

Broj: 01-01.3-982-8/17 AZ
Datum: 29.03.2017. godine

Na osnovu člana 70. Zakona o javnim nabavkama ("Službeni glasnik BiH" broj 39/14), te člana 15. Pravilnika o javnim nabavkama JP "Autoceste FBiH" i preporuke Komisije za javne nabavke konstatirane u Zapisniku o pregledu i ocjeni inicijalne i konačne ponude broj: 01-01.3-982-7/17 AZ od 23.03.2017. godine, v.d. direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU o izboru najpovoljnijeg ponuđača

I

Ugovor za nabavku radova, u pregovaračkom postupku bez objave obavještenja o nabavci, "Izvođenje radova na primarnom uklanjanju štete na autocesti km 20+700 izazavanog prodorom veće količine vode kroz hidrotehnički tunel rudnika mrkog uglja Kakanj" u vrijednosti od **12.279,85 KM** sa uračunatim PDV-om dodjeljuje se ponuđaču "Sarajevoputevi" d.d. Sarajevo koji je podnio prihvatljivu ponudu.

II

Ova odluka će, u skladu sa članom 70. stav (6) Zakona o javnim nabavkama, biti objavljena na internetskoj stranici JP "Autoceste FBiH" d.o.o. Mostar www.jpautoceste.ba i to istovremeno s upućivanjem Odluke ponuđaču koji je učestvovao u postupku nabavke.

O b r a z l o ž e n j e

JP "Autoceste FBiH" d.o.o. Mostar je u skladu sa Odlukom o nabavci broj: 01-01.3-982/17 AZ od 10.03.2017. godine pokrenulo pregovarački postupak bez objave obavještenja o nabavci u skladu sa članom 21. stav (d) Zakona o javnim nabavkama sa ponuđačem "Sarajevoputevi" d.d. Sarajevo.

U skladu sa članom 28. stav (4) Zakona o javnim nabavkama, ugovorni organ je objavio na svojoj internet stranici www.jpautoceste.ba Odluku o vanplanskoj nabavci u pregovaračkom postupku bez objave obavještenja.

Ponuđač je do termina predviđenog za predaju ponuda dostavio svoju inicijalnu ponudu. Komisija za nabavke, imenovana rješenjem broj 01-01-3-982-3/17 AZ od 20.03.2017. godine, je nakon pregleda i ocjene inicijalne ponude pozvala ponuđača na pregovore. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija je ocijenila da je ponuda prihvatljiva za ugovorni organ i dala prijedlog ugovornom organu da ugovor za nabavku radova: "Izvođenje radova na primarnom uklanjanju štete na autocesti km 20+700 izazavanog prodorom veće količine vode kroz hidrotehnički tunel rudnika mrkog uglja Kakanj" u vrijednosti od 12.279,85 KM sa uračunatim PDV-om dodijeli ponuđaču "Sarajevoputevi" d.d. Sarajevo jer je ponudio prihvatljivu ponudu.



Handwritten signature

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba ugovornom organu, u roku od 30 dana od dana objave obavještenja o dodjeli ugovora, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**v.d. izvršni direktor
za upravljanje i održavanje:**

.....
Marin Jelčić, dipl.ing.saob.

v.d. direktor:

.....
Adnan Terzić, dipl.ing.



AD

Broj: 01-01.3-982-7/17 AZ
Datum: 23.03.2017. godine

U skladu sa članom 65. Zakona o javnim nabavkama („Službeni glasnik BiH“ br. 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“ br. 103/14), članom 18. Uputstva za pripremu modela tenderske dokumentacije i ponuda („Službeni glasnik BiH“ br. 90/14) i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

ZAPISNIK O PREGLEDU I OCJENI INICIJALNE I KONAČNE PONUDE u pregovaračkom postupku bez objave obavještenja o nabavci

- Naziv i sjedište ugovornog organa:** JP „Autoceste FBiH“ d.o.o. Mostar
- Predmet nabavke:** *“Izvođenje radova na primarnom uklanjanju štete na autocesti km 20+700 izazavanog prodorom veće količine vode kroz hidrotehnički tunel rudnika mrkog uglja Kakanj“*
- Evidencijski broj nabavke:** 01-01.3-982/17 AZ
- Posebni slučajevi i okolnosti iz čl. 21.-24. Zakona koji opravdava korištenje ovog postupka:** Postupak se provodi u skladu sa članom 21. stav (d) Zakona o javnim nabavkama („Sl. glasnik BiH“ broj: 39/14) u kojem je navedeno da *“kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak s objavom obavještenja. Okolnosti kojim se opravdava izuzetna hitnost postupka ni u kom slučaju ne smiju se dovesti u vezu s ugovornim organom“*
- Datum početka pregleda i ocjene inicijalne ponude:** 17.03.2017. godine.
- Datum slanja poziva na pregovaranje:** Poziv na pregovore poslan putem e-maila i fax-a dana 20.03.2017. godine.
- Datum slanja poziva na izmjenu i/ili dopunu inicijalne ponude ili na dostavu konačne ponude:** Na održanim pregovorima dana 21.03.2017. godine, dogovoreno je da ponuđač dostavi konačnu ponudu najkasnije do 24.03.2017. godine do 10:00 sati, na protokol Ugovornog organa, operativni ured u Sarajevu, Dubrovačka 6.
- Naziv i sjedište svih ponuđača, prema redoslijedu zaprimanja inicijalnih ponuda:** „Sarajevoputevi“ d.d. Sarajevo, sa ponuđenom cijenom 12.279,85 KM sa uračunatim PDV-om.
- Podatke o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata.
- Analički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**

Ponuđač je zbog hitnosti postupka, a na osnovu Poziva upućenog od strane Ugovornog organa dostavio Obrazac za ponudu i Obrazac za cijenu ponude kao svoju inicijalnu ponudu.

Komisija je konstatala da je ponuda prihvatljiva, odnosno da su dostavljeni Obrazac za ponudu i Obrazac za cijenu ponude ispravno popunjeni.

11. Naziv i sjedište ponuđača koji se isključuju te obrazloženje razloga njihovog isključenja: Nije primjenjivo.
12. Analitički prikaz traženih i dostavljenih dokaza tehničke i profesionalne sposobnosti ponuđača: Nisu traženi dokazi tehničke i profesionalne sposobnosti.
13. Prikaz traženih i dostavljenih garancija za ozbiljnost ponude: Nije tražena garancija.
14. Podatke o pojašnjenju inicijalnih i/ili konačnih ponuda: Nije traženo pojašnjenje.
15. Prikaz valjanosti inicijalnih i/ili konačnih ponuda prema obliku, sadržaju i cjelovitosti:
Ponuda ponuđača je:
- Ovjereni i potpisani
16. Analizu inicijalnih i/ili konačnih ponuda vezano uz ispunjenje zahtjeva u pogledu opisa predmeta nabavke i tehničkih specifikacija: Inicijalna ponuda zadovoljava zahtjev u pogledu opisa predmeta nabavke.
17. Podatke o ispravkama računskih grešaka u inicijalnim i/ili konačnim ponudama: Računskih grešaka nije bilo.
18. Naziv i sjedište ponuđača čije inicijalne i/ili konačne ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje: Nije primjenjivo
19. Razlozi za odbijanje inicijalne i/ili konačne ponude zbog neprirodno niske cijene: Nije primjenjivo.

Pregled i ocjena konačne ponude

20. Datum početka pregleda i ocjene konačne ponude: 23.03.2017. god.

21. Analizu prihvatljivih konačnih ponuda prema kriteriju za izbor ponude:

Ponuđač je, na osnovu održanih pregovora, dostavio konačanu ponudu. Ukupna cijena konačne ponude je: 10.495,60 KM bez PDV-a, odnosno 12.279,85 KM sa uračunatim PDV-om.

22. Rangiranje prihvatljivih konačnih ponuda prema kriteriju za izbor ponude:

Naziv ponuđača	Cijena bez PDV-a	Popust	PDV (17%)	Ukupna cijena sa PDV-om
1. "Sarajevoputevi" d.d. Sarajevo	10.495,60	-	1.784,25	12.279,85 KM

23. Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor: "Sarajevoputevi" d.d. Sarajevo, Mustajbega Fadilpašića 17, 71000 Sarajevo, ID broj 4200492780000. Ponuđač je dostavio prihvatljivu ponudu.

24. Podatke o dijelu ugovora koji se daje u podugovor i podatke o podizvođaču: Ponuđač nije izrazio namjeru podugovaranja.

25. Podatke o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci: Nije primjenjivo.



26. Prijedlog odgovornoj osobi ugovornog organa za donošenje odluke o izboru:

Shodno gore navedenom predlaže se v.d. direktoru Javnog preduzeća "Autoceste FBiH" d.o.o. Mostar da za nabavku radova „Izvođenje radova na primarnom uklanjanju štete na autocesti km 20+700 izazavanog prodorom veće količine vode kroz hidrotehnički tunel rudnika mrkog uglja Kakanj“ donese sljedeću odluku:

Ugovor za nabavku radova: "Izvođenje radova na primarnom uklanjanju štete na autocesti km 20+700 izazavanog prodorom veće količine vode kroz hidrotehnički tunel rudnika mrkog uglja Kakanj" u vrijednosti od 12.279,85 KM sa uračunatim PDV-om dodjeljuje se ponuđaču "Sarajevoputevi" d.d. Sarajevo jer je ponudio prihvatljivu ponudu.

27. Datum završetka postupka pregleda i ocjene konačnih ponuda: Komisija je završila pregled i ocjenu konačne ponude dana 23.03.2017. godine.

28. Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalnih i/ili konačnih ponuda:

Članovi komisije:

Aida Zeba, predsjednik komisije

Amra Kahrimanović, član komisije

Damir Kulenović, član komisije

Za sekretara komisije imenovana je Adila Salčinović.

Prilozi:

1. Kopija zapisnika o vođenju pregovora

Saglasan v.d. direktor:

Adnan Terzić, dipl.ing.



Broj: 01-01.3-982-5/17 AZ
Datum: 21.03.2017. godine

ZAPISNIK O PREGOVORIMA

Sastavljen dana 21.03.2017. godine u 10:00 sati u sali JP „Autoceste Federacije BiH“ d.o.o. Mostar, Operativni ured u Sarajevu, Dubrovačka 6, u predmetu: pregovori o tehničkim, ekonomskim, pravnim i drugim aspektima ugovora u pregovaračkom postupku bez objave obavještenja za nabavku radova: „Izvođenje radova na primarnom uklanjanju štete na autocesti km 20+700 izazavanog prodorom veće količine vode kroz hidrotehnički tunel rudnika mrkog uglja Kakanj“ koji se sprovodi u skladu sa članom 21. stav (d) Zakona o javnim nabavkama („Službeni glasnik BiH“ broj 39/14).

U pregovorima učestvovali:

1. Nataša Fazlić, direktorica ponuđača „SARAJEVOPUTEVI“ d.d. Sarajevo
2. Aida Zeba, predsjednik komisije,
3. Amra Kahrmanović, član komisije,
4. Damir Kulenović, član komisije

Zbog vanredne situacije, nastale 25.02.2017. godine, izazvane povećanjem nivoa vode u akumulaciji mrkog uglja Kakanj, te popuštanjem na ulazu u hidrotehnički tunel i prelijevanjem vode preko regionalne ceste na škarpu autoceste, a ubrzo nakon toga i izlivanje na kolovozne trake, na aktivnostima raščišćavanja autoceste angažovana je je firma „Sarajevoputevi“ d.d., te zapisnički na lice mjesta uvedena u posao. Stvarne količine izvršenih radova su svakodnevno bilježene kako bi se na kraju mogla ispostaviti faktura za izvršene radove

Na osnovu člana 21. tačka d) Zakona o javnim nabavkama („Službeni glasnik BiH“ broj 39/14) direktor JP „Autoceste FBiH“ d.o.o. Mostar pokrenulo je pregovarački postupak bez objave obavještenja o javnoj nabavci radova „Izvođenje radova na primarnom uklanjanju štete na autocesti km 20+700 izazavanog prodorom veće količine vode kroz hidrotehnički tunel rudnika mrkog uglja Kakanj“.

Shodno naprijed navedenom Poziv za dostavljanje ponude upućen je ponuđaču „Sarajevoputevi“ d.d. Sarajevo putem e-maila i fax-a, a na osnovu Odluke o vanplanskoj nabavci radova „Izvođenje radova na primarnom uklanjanju štete na autocesti km 20+700 izazavanog prodorom veće količine vode kroz hidrotehnički tunel rudnika mrkog uglja Kakanj“ broj 01-01.3-982/17 AZ od 10.03.2017. godine. Zbog hitnosti postupka od ponuđača se zahtjevalo da dostavi Obrazac za ponudu – Aneks 2 i Obrazac za cijenu ponude Aneks 3.

Ponuđač je uredno dostavio svoju ponudu do zahtjevanog roka, te su pregovori zakazani za 21.03.2017. godine.



CH

Pregovori o nabavci radova „Izvođenje radova na primarnom uklanjanju štete na autocesti km 20+700 izazavanog prodorom veće količine vode kroz hidrotehnički tunel rudnika mrkog uglja Kakanj“ u skladu sa članom 21. stav (d) Zakona o javnim nabavkama vode se između Komisije za javnu nabavku JP „Autoceste Federacije BiH“ d.o.o. Mostar imenovane prema Rješenju broj: 01-01.3-982-2/17 AZ od 20.03.2017. godine i Ponuđača „Sarajevoputevi“ d.d. Sarajevo, koga predstavlja direktorica Nataša Fazlić.

1. Komisija za nabavke imenovana gore navedenim Rješenjem, je pregledala ponudu u hitnom Pregovaračkom postupku bez objave obavještenja za javnu nabavku radova u skladu sa članom 21. stav (d) Zakona o javnim nabavkama", te konstatirala da je Ponuđač ispravno popunio dostavljeni Obrazac za cijenu ponude i Obrazac za ponudu.
2. Predsjednik komisije Aida Zeba, ukratko je obrazložila razloge za provođenje predmetnog postupka javne nabavke, sa kojim je Ponuđač već bio upoznat.
3. Konstatovano je da su radovi uspješno i kvalitetno završeni i da količine odgovaraju navedenim u Obrascu za cijenu ponude.
4. Na upit o mogućnosti odobravanja eventualnog popusta na dostavljenu ponudu, direktorica Nataša Fazlić, odgovorila je da za isti ne postoji mogućnost, jer su kao Izvođač radova odmah izašli na teren, izveli radovi te da su navedene cijene više nego realne i objektivne.
5. Dogovoreno je da će Ponuđaču uz Zapisnik o pregovorima biti dostavljen Obrazac za konačnu ponudu i Obrazac za konačnu cijenu ponude, te da će Ponuđač svoju konačnu ponudu dostaviti što hitnije, a najkasnije do 23.03.2017. godine, do 10:00 sati, na protokol Ugovornog organa, operativni ured u Sarajevu, Dubrovačka 6.

Nataša Fazlić, direktorica Ponuđača „Sarajevoputevi“ d.d. Sarajevo
Aida Zeba, predsjednik komisije
Amra Kahrmanović, član komisije
Kulenović Damir, član komisije

Za sekretara komisije imenovana je Adila Salčinović.



Identifikacijski broj: 4227691540005 PDV broj: 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296665422
Naknada za korištenje cestovnog zemljišta: 1610200062470135 i 3386902296664549